


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-36	Yasin	83	5	Makkiyyah	Ke-41	6



Zaman Diturunkan

Surah Yasin diturunkan pada peringkat ketiga kehidupan Rasulullah s.a.w. antara tahun ke-6 hingga ke-10 kenabian, pada ketika itu Rasulullah dituduh sebagai penyair. Surah ini merupakan surah jalaliyyah iaitu surah yang menyatakan keagungan, kehebatan, kebesaran dan keperkasaan Allah.

1. Penggunaan ضمير dalam bentuk جمع متكلم

Di dalam surah ini, penggunaan ضمير (ganti nama) dalam bentuk جمع متكلم yang memberi erti 'kami' telah digunakan sebanyak 45 kali, ia merangkumi penggunaan ضمير متصل seperti أنا dan نحن atau ضمير متصل seperti perkataan جَعَلْنَا, أَغْشَيْنَا, لَدَيْنَا, نُحْيِي, نُشَاءُ, نُغْرِقُ. Penggunaan bentuk ضمير seperti ini adalah untuk menyatakan keagungan, kebesaran, kehebatan dan keperkasaan seseorang. Hanya sekali sahaja digunakan bentuk مفرد untuk Allah di dalam surah ini iaitu pada firmanNya: وَأَنْ أَعْبُدُونَ (dan sembahlah kamu akan Daku) (Ayat: ٦١). Oleh kerana ia berkait dengan tauhid ibadat dan uluhiyyah maka bentuk mufrad itulah yang selayaknya digunakan, سبحانه الله

2. Mizaj Jalali Surah Yasin

Orang yang membaca surah ini dengan penuh sedar dan faham akan terkesan dengan mizaj jalali yang terdapat di dalamnya, ia akan menguasai jiwa dan pemikiran manusia yang membacanya. غير الله tidak akan menghantui fikirannya lagi, dia akan percaya sepenuhnya tentang kekuasaan dan iradat Allah, setiap ayat yang dibacanya semakin memperteguh perasaan yang menguasai dirinya dan apabila sampai ke penghujung surah, kekuasaan mutlaq Allah yang tergambar pada firmanNya كُنْ فَيَكُونْ membawa pembacanya ke mercu ketinggian dan ucapan terakhir di dalam surah ini sebaik saja didengar akan mendorong seseorang terus bersedia menghadapi alam akhirat.

Kelebihan Surah Yasin

Tidak terdapat satu pun hadits sahih berhubung dengan kelebihan Surah Yasin, yang ada hanyalah beberapa hadits dha'if, ada juga antara hadits yang menyatakan kelebihanannya maudhu'. Kebanyakan orang membacanya semata-mata untuk mendapatkan pahala atau untuk mendapat apa-apa hajatnya.

Perkaitan Surah Yasin Dengan Surah Sebelum Dan Selepasnya

1. Di dalam Surah Fathir telah disebutkan akibat orang-orang yang berasa diri mereka paling kuat, Surah Yasin ini pula memperincikan sifat-sifat iradat dan kuasa mutlaq Allah sebagai dalil kepada tauhid qudrat dan iradatNya.
2. Di dalam Surah Yasin ini dikatakan kepada Rasulullah bahawa engkau memang salah seorang rasul, di dalam Surah as-Shaffat akan datang, khidmat para rasul diakui dan dihargai apabila diucapkan "Salam" kepada mereka.

Beberapa Kata Kunci Dan Tema Utama Surah

1. Perkataan **سُبْحَانَ** digunakan 2 kali di dalam Surah Yasin (Ayat: 36 dan 83).

(a) Tuhan yang menciptakan segala sesuatu berpasangan tidak mempunyai kekurangan dan kecacatan, Dia sendiri tidak mempunyai pasangan, Dia tidak mempunyai isteri. (Ayat: 36).

سُبْحَانَ الَّذِي خَلَقَ الْأَزْوَاجَ كُلَّهَا مِمَّا تُثْبِتُ الْأَرْضُ وَمِنْ أَنْفُسِهِمْ وَمِمَّا لَا يَعْلَمُونَ ﴿٣٦﴾

(b) Tuhan yang berkuasa penuh terhadap segala-galanya dan tempat kembali segala-galanya Maha suci daripada segala kekurangan dan ke'aiban (Ayat: 83).

فَسُبْحَانَ الَّذِي بِيَدِهِ مَلَكُوتُ كُلِّ شَيْءٍ وَإِلَيْهِ تُرْجَعُونَ ﴿٨٣﴾

2. Perkataan **عَزِيز** juga 2 kali digunakan di dalam surah ini (Ayat: 5 dan 38).

(a) Tuhan yang menurunkan al-Qur'an bersifat **عَزِيز** (perkasa), Dia berkuasa untuk memasukkan ke dalam neraka orang-orang yang menolak seruannya (Ayat: 5).

تَنْزِيلَ الْعَزِيزِ الرَّحِيمِ ﴿٥﴾

(b) Matahari beredar ke tempat yang ditetapkan bagiinya, itu adalah taqdir (sistem yang telah ditentukan) oleh Tuhan yang Maha Perkasa (**عَزِيز**) (Ayat: 38).

وَالشَّمْسُ تَجْرِي لِمُسْتَقَرٍّ لَهَا ذَلِكَ تَقْدِيرُ الْعَزِيزِ الْعَلِيمِ ﴿٣٨﴾

3. Perkataan **رَحِيم** juga digunakan 2 kali di dalam surah ini (Ayat: 5 dan 58).

(a) Tuhan yang menurunkan al-Qur'an juga bersifat dengan sifat Maha Penyayang atau Maha Mengasihani, dengan sifat itulah dia memasukkan orang-orang yang menerima ajaran al-Qur'an ke dalam syurga. (Ayat: 5).

تَنْزِيلَ الْعَزِيزِ الرَّحِيمِ ﴿٥﴾

(b) Segala arahan dan perintah untuk keselamatan ahli syurga datang dari Tuhan yang bersifat **رَحِيم** (Ayat: 58).

سَلَامٌ قَوْلًا مِنْ رَبِّ رَحِيمٍ ﴿٥٨﴾

Walaupun Surah Yasin adalah surah yang menyatakan sifat jalal Allah, namun beberapa kali perkataan **رَحِيم** dan **رحمة** tersebut di dalamnya.

4. Di dalam surah ini terdapat juga dalil-dalil rahmat Allah walaupun secara keseluruhannya ia merupakan surah jalaliyyah (surah yang menyatakan sifat jalal Allah).

(a) Orang-orang kafir telah berkata kepada para rasul bahawa tuhan الرحمن tidak menurunkan apa-apa,

kamu hanya pendusta. (Ayat: 15).

قَالُوا مَا أَنْتُمْ إِلَّا بَشَرٌ مِثْلُنَا وَمَا أَنْزَلَ الرَّحْمَنُ مِنْ شَيْءٍ إِنْ أَنْتُمْ إِلَّا تَكْذِبُونَ ﴿١٥﴾

(b) Manusia yang degil tidak dapat mengambil pengajaran daripada apa-apa yang berlaku pada masa lalu, mereka juga tidak berfikir tentang masa depan, kerana itulah mereka boleh menolak seruan rahmat daripada Tuhan الرحمن (Ayat: 45).

وَإِذَا قِيلَ لَهُمُ اتَّقُوا مَا بَيْنَ أَيْدِيكُمْ وَمَا خَلْفَكُمْ لَعَلَّكُمْ تُرْحَمُونَ ﴿١٥﴾

(c) Jika Allah mahu, boleh saja Dia menenggelamkan kapal-kapal di lautan atau dengan rahmat khususnya boleh juga ia memberi sedikit lagi kehidupan dan peluang kepada orang-orang yang berada di atas kapal itu. (Ayat: 44).

إِلَّا رَحْمَةً مِنَّا وَمَتَاعًا إِلَىٰ حِينٍ ﴿١٥﴾

(d) Orang-orang mu'min yang percaya kepada tauhid berkata: "Kalau Tuhan الرحمن hendak merugikan dan membahayakan saya nescaya tiada tuhan-tuhan yang lain dapat merayu dan memohon syafa'at supaya saya mendapat keuntungan dan selamat" (Ayat: 23).

ءَأَتَّخِذُ مِنْ دُونِهِ ءَالِهَةً إِنْ يُرِدْنِ الرَّحْمَنُ بِضُرٍّ لَا تُغْنِي عَنِّي شَفَعَتُهُمْ شَيْئًا وَلَا يُنْقِذُونِ ﴿١٥﴾

(e) Keampunan Allah dan pahala yang besar diberikan kepada orang-orang yang takut kepada tuhan الرحمن walaupun tidak pernah melihatnya (Ayat: 11).

إِنَّمَا تُنذِرُ مَنِ اتَّبَعَ الذِّكْرَ وَخَشِيَ الرَّحْمَنَ الْغَيْبَ فَبَشِيرُهُ بِمَغْفِرَةٍ وَأَجْرٍ كَرِيمٍ ﴿١٥﴾

5. Di dalam Surah Yasin, الله غير diperlekeh dan dihina untuk membuktikan aqidah tauhid.

(a) الله غير tidak dapat menyelamatkan siapa pun yang tenggelam (Ayat: 43).

وَإِنْ نَشَأْ نُغْرِقْهُمْ فَلَا صَرِيخَ لَهُمْ وَلَا هُمْ يُنْقِذُونَ ﴿٤٣﴾

(b) الله غير tidak mampu memberikan pertolongan kepada sesiapa pun (Ayat: 75).

لَا يَسْتَطِيعُونَ نَصْرَهُمْ

(c) Rayuan الله غير dan syafa'atnya tidak berguna jika Allah hendak memudharatkan seseorang (Ayat: 23).

ءَأَتَّخِذُ مِنْ دُونِهِ ءَالِهَةً إِنْ يُرِدْنِ الرَّحْمَنُ بِضُرٍّ لَا تُغْنِي عَنِّي شَفَعَتُهُمْ شَيْئًا وَلَا يُنْقِذُونِ ﴿٤٣﴾

6. Perkataan keampunan (مغفرة) dan اجر كريم (balasan dan ganjaran yang istimewa) disebut 2 kali di dalam surah ini. Pertama sebagai pendahuluan dan prinsip dan keduanya sebagai bukti hidup.

(a) Orang yang percaya kepada perkara ghaib, takut kepada tuhan الرحمن dan mengikut wahyu Allah akan mendapat dua ni`mat. Keampunan Allah dan juga pahala yang istimewa (Ayat: 11).

إِنَّمَا تُنذِرُ مَنِ اتَّبَعَ الذِّكْرَ وَخَشِيَ الرَّحْمَنَ الْغَيْبُ فَبَشِّرْهُ بِمَغْفِرَةٍ وَأَجْرٍ كَرِيمٍ ﴿١١﴾

(b) Ahli syurga tidak sahaja mendapat keampunan Allah malah diberikan juga kepadanya pahala dan ganjaran yang istimewa, mereka juga akan dimasukkan dalam kalangan مكرمين (orang-orang yang dimuliakan) (Ayat: 27).

بِمَا غَفَرَ لِي رَبِّي وَجَعَلَنِي مِنَ الْمُكْرَمِينَ ﴿٢٧﴾

7. Melalui sifat kuasa dan kehendak yang mutlaq, tauhid kuasa dan tauhid iradat ditsabitkan.

(a) Allah sahaja yang mempunyai kuas mutlaq, bila Dia hendak melakukan sesuatu, cukup dengan dikatakan كن sahaja, maka jadi terus sesuatu itu (Ayat: 82).

إِنَّمَا أَمْرُهُ إِذَا أَرَادَ شَيْئًا أَنْ يَقُولَ لَهُ كُنْ فَيَكُونُ ﴿٨٢﴾

(b) Allah juga menguasai dan mengurus segala sesuatu (Ayat: 83). Dia berkuasa menghidupkan kembali manusia dan mengembalikan mereka kepadaNya.

فَسُبْحَانَ الَّذِي بِيَدِهِ مَلَكُوتُ كُلِّ شَيْءٍ وَإِلَيْهِ تُرْجَعُونَ ﴿٨٣﴾